

Nuuk, den 5. januar 2018

Tusagassiorfinnut nalunaarut

Sulinitinni tunngavigisarpur iluarsineqartariaqalerpoq

Tunngaviumik inatsisissaq pillugu isumalioqatigiissitaq suliakkiissutinut najoqqutassiaq malillugu sulisussaavoq.

Naluneqanngitsutut piumasaqaataavoq partiit Inatsisartuni ilaasortaataqartut tamarmik ilaasortaataqassasut, aammalu ilaasortaasut pinngitsooratik Inatsisartunut ilaasortaasuusariaqartut.

Atassutip Inatsisartunut ilaasortaataqarunnaarneratigit aammalu Kommune Qeqertalimmi borgmesterinngortussap Inatsisartunut ilaasortaajunnaarneratigit sulinitinni tunngavigisarpur naleqqukunnaarmat novemberi aallartilaaginnartoq Naalakkersuisut qinnuigaagut suliakkiissutinut najoqqutassiaq nutaanngorsaqqullugu.

Tungaanut taamanikkut aalajangerpugut sulinerput unitsikkallarniarlugu, neriulluta Naalakkersuisut sulisitsisutut akisussaassusertik naapertorlugu ajornartorsiut pilertortumik aqqiivigissagaat, sulinitinni tunngavigisatsinnik ilerasuutigalugu unioqqutitsilluta ingerlasinnaannginnatta.

Naak Inatsisartunut ilaasortaanerput salliutittartussaagaluarlutigu isumaqarpugut Isumalioqatigiissitamut tunniusimalluta sulisimasugut, miserratigissanngilarpulli piffissaqarniarnerput ilaanni kipungasoorutaasarmat. Taamaammat ukiarmi Inatsisartuni partiit amerlanerussuteqartut aalajangerput Isumalioqatigiissitap pilersaarutai suliniutigiumasaalu naammassisinnaajumallugit aammalu innuttaasunik pitsaaneruumik peqataatitsinissaq anguniarlugu Isumalioqatigiissitaq sulitugaluni siulittaasoqartariaqartoq.

Maanna uaniippugut sulinitinni tunngavigisarpur nutaaq Naalakkersuisut akuereriarpassuk suleriaqqissinnaanngussalluta. Tassa piareersimavugut. Eqqaamasariaqarportaaq Isumalioqatigiissitaq aallaqqaataaniilli immikkut allaffeqartitaanngimmat aammalu Isumalioqatigiissitaq maj 2017-imi pilersinneqarmat ilisimaneqareermat piviumik aqqissuussaasumillu sulinissamut ukiup affaata missaa piareersaasiorfioqqaartariaqartoq. Taamaattorli Isumalioqatigiissitaq 2017-imi arlaleriarluni ataatsimittareersimalerpoq, ilaatigullu oktoberimili 2020-ip tungaanut sulinissamut pilersaarummik suliaqalereersimalluta. Pilersaarutaasunit pingaarnersiuissagutta ukioq manna qaammarsaanermut paasisitsiniaanermullu annerusumik atorussupparput, 2019 innuttaasut ukiuattut taallugu innuttaasut qanimut peqatigalugit tunngaviumik inatsisissap imarisassaanik siunnersuusiorfittut atorussupparput, kiisalu sulinerput 2020-ip naalernerani naammasserusullugu.

Naggataatigit nuannaralugu oqaatigissavarput nunatta tunngaviumik inatsisissaanik sulinerup pingaaruteqassusia isumaalu pillugit ataatsimeersuartitsinissarpur ukioq manna pisussatut siunniukkatsigu, taamaammat qilanaarpugut avammut sammisumik sulinita nanginnissaanut.

Periarfissaq manna iluatsillugu nunaqqatigit tamaasa ukiortaami pilluaqqujumavagut ukiumilu nutaami ajunngitsunik tamanik kissaallugit.

Attavigisassat:

Vivian Motzfeldt, siulittaasoq

Mimi Karlsen, siulittaasup tullia

Mobilnr.: 55 56 41

Mobilnr.: 58 76 19